

اداره مرکزی :

آق قورمه ، استانبول جاده سنده آق قورمه
معارف امینلکی یانده کی دائرة

استانبول بورسی :

استانبولده ، باب عالی جاده سنده ۸۷ نوره
دائرة مخصوصه

حیات

هیا نه داغما هیا نه ... دیا نه داها هور حیات قاتالم ...
- یجه -

نفسی هر برده ۱۰ غرور شر

سنه کی پوسته ایله ۵ لیرا .
(اجنئی مملکتلر ایچین ۵ دولار)

ایوه واعلان ایشلری ایچین استانبول بورسه
مراجعت ایدیلیر .
یازی ایشلرینک مرجعی آق قورمه هر لوندیر .

صافی : ۴۱

آق قورمه ، ۸ ایلول ، ۱۹۲۷

۲ نجی جلد

مصاحبه :

ملی استحصال و معارف

کلاسیک اقتصاد کتابلری طبیعت ، انسان
سعی ، سرمایه اولمق اوزره اوچ استحصال عاملی
صایارلر . ملی استحصالی آر تیرمق ایچون چاره لر
آرامنی وظیفه سی جمله سندن کورهن بر حکومت
ایچون بو اوچ عامل مواجهه سنده اتخاذ ایدیلر چک
تدبیرلر واردر . بو تدبیرلر بالخاصه طبیعتدن
استفاده نی اعظمی درجه یه کتیرمک ، انسان
سعی نك استحصال قدرتی آر تیرمق مسئله سی
اطرافنده دوزر . بوغایه نی استحصال ایچون لازم
کلن شرائط ایچنده نقلیات و شمنده و فرلر مسئله سی
سرمایه نك توزعی نه قادار اهمیتلی ایسه مستحصلک
قوتی آر تیراجق بیلکی بی تأمین ایله مک ده اوقادار
مهمدر . اونک ایچون ملی اقتصاد سیاستی ،
ملی استحصالی آر تیرمق مسئله سی عینی زمانده
بر معارف ایشیدر . اگر تورکیه ده کی «طبیعت» ی
علمی بر صورتده بیلیم یورسه کز ، اگر مستحصل
انسانلره سعی قوتی آر تیراجق بیلکی و تربیه
ویرمه یورسه کز چوق زمان بیک برفدا کارقله
پایلان نقلیه واسطه لری استحصال اوزرنده
چوق آژئره ویریر . بونک بر چوق مثالی واردر .
اسکیشهر - آق قورمه خطی چوق اسکیدنبری
موجوددر . فقط بو خط کذرکاهنده کی کوی
حیاتی هیچ دیکشدرمه مشدر . بروسه ولایتی
استحصالاتی سوق ایدر چک یولدن بوسبتون
محروم عدا ایدیلر مز . فقط کیم دییه بیلیر که بو ولایتک

طبیعی ثروتندن تماماً استفاده اولونمشدر ؟ واقعا
بونده لوزان معاهده سیله قورتولدیغمز اقتصادی
قاییتولاسیونلرک تأثیری واردر . انجق مملکتک
اقتصادی سویه سنک بو حالده قالماسنده هیچ شبهه
ایدیلر مز که عرفان سزلق مهم عامل اولمشدر ،
حالاً ده مهم بر عاملدر .

اونک ایچیندر که ملی استحصالی آر تیرمق
مسئله سنک برجهه سی ده دولتک معارف وظیفه سنه
دایانیر : مملکت طوپراغنک علمی تدقیق ، هر
وطنداشه استحصال قدرتی آر تیراجق اصغری
بیلکی وقابلیتک ویریلر سی ، بر معارف ایشیدر .
چوق زمان بو الک بسیط حقیقت ، اقتصاد ایشیلر
اوغراشان دائرة لری علاقه دار بیلر ایتمه مشدر .
آری آری مقصدلرله کتیریلن ایکی اجنئی
متخصصی بو علاقه سزلقندن دویدق لری حیرتی
بکا آچیقندن آچیفه سویله مشدردر : معارف
وکالتنک مسلکی مکتبلر ایچون کتیردیکی بلجیقالی
موسیو (بوز) برکون مکتبلریمزک بالخاصه معلم
مکتبلرینک پروغرامندن بحث ایلر کن اقتصادی
جهه نك چوق ضعیف بولوندیغنی سویله دی .
یوزده سکسانی زراعتی اولان بر مملکتک
معلم مکتبلرنده « زراعت » درس لرینک بو قادار
بسیط طرزده تدریسی قارشیسنده حیرت ایتدی ،
معلم مکتبلرنده علی الاطلاق اقتصادی معلوماتک
چوق نقصان اولدیغنی سویله دی . بو معلوماتی

داها ای ویرم بیلیمک ایچون معلم بولامیوروز
دیدم . مملکت اقتصادیاتیلر اوغراشان دائرة لر
ناصیل اولویورده کندی اللرنده کی مسلکی
مکتبلرده سنک ایچون معلم یتیشدیرمک تدبیری
اتخاذ ایلر میورلر ! دییه صوردی . زراعت وکالتی
پروسیا تدریسات زراعه مدیرنی متخصص
اولارق دعت ایتشدی . بو ذات ده الک چوق
عمومی مکتبلرک پروغرامیلر علاقه دار اولمش
ومعلم مکتبلرنده زراعت تدریساتی ایشی الک
اهمیتی بر مسئله اولارق کورمشدر .

ملی اقتصادک انکشافی حقنده تدبیرلر
آلیرکن اونک الک مهم شرطی اولان معارف
ایشنده ده سریع خطوه لر آتمق مجبوریتنده
اولدیغمز هیچ اونوتماق ایجاب ایدر . ای
بر معارف سیاستی سایه سنده در که وطنداش سعی نك
قوتی آر تیراجق بیلکی و تربیه نعم ایدر بیلیر ؛
علمه قیمت ویرمک و اوندن استفاده نی
بیلیمک سایه سنده در که تورکیه نك طبیعی ثروتی
واستحصاله مؤثر اجتماعی شرائطی تدقیق اولونا بیلیر .
معلم کوندرمدیککز ، محاط اولدینی طبیعی
قوتلردن استفاده بیلکی سنی ویرمدیککز برکویده
استحصالی آر تیرمق ، اورایه انسانی حیاتی صوقق
غیرممکندر . کذلک تورکیه نك طبیعتی ، ژء اولوژیک
وضعیتی تدقیق اولونماقجه ، مملکت جغرافیای

مملکت مطبوعاتی

حاکمیت ملیه — شهر منک بوتارخی غزنه سی، سوک بیللره عائد نشریاتنده مملکت حرثیات وفکر یاتنه بویوک برقیمت ویرمکده در . یومی بر غزنه اولسته رغماً اکثریا جدی و علمی مجموعه لوده کوریلده بیلده جک مهم یازیلریله نظردقتی جلب ایتمکدن خالی دکلدرد . بو آراده ع... امضای یازیلری خاصه ذکر ایتمک ایسترز . بونسخه لرینک برنده (۷۹۲) ده یازلش برطب اثرینه عائد اولقی اوزره ویریلن معلومات شایان دقتدر : اسحاق بن مراد اسمنده برینسک اثری اولان بوقیمتلی کتاب ، عینی زمانده لسان وادبیات تاریخی ده تنور ایده جک وثیقه در .

حاکمیت ملیه نیک تفرقه لری داها مهم . خلقه اثر اوقومنه نیک یسقولار بولنی بولان « حاکمیت ملیه » شتره زمانک ناشر افکاری اولان بر غزنه ، بومشله حل ایدلدکجه فرانسه - آلمانیاتلافنک تحقیقی عدم الامکان کورمکده در : « اگر فرانسه ، متعمداً آلاس لوره نیک جرمانلغه سؤقصده دوام ایدرسه ، هرکون یکیدن آلمانلرک حساباتی جریحه دارايمش ، معقول برتشریک ماسینک شرائطی بالکروبوواقع ایلده ییقمش اولور . » اسمنی قید ایتمه یین مقاله صاحبی ، یازینسک نهایتنده مسأله نیک اساسی آراشدیریور : پروباغاندانک سوکی نه اولاجقدر ؟ فقط تهلکه پروباغانداده دکلدرد . اصل فتالیق ، غیرمیلششمش عنصرلرک درونی ترددلرنده در . ۱۹۱۹ ده مظفر فرانسه اونلری قازانمش ایدی . فقط ۱۹۲۵ - ۱۹۲۶ سنه لری ، فرانسه نفوذینی ازاله ایتدی . آلاس لوره نلیلر ، فرانسه ملتک حیاتیت قوتی ایچنده ایمانلرینی قایب ایتدیلر . بو ، سببیز دکلدرد . حکومتلرینک افلاسه کیتدیگنی کوربورلر . حالبوکه ره نیک دیگر طرفنده آلمانیانک شاشیله جق بر شکلده وضعیتینی دوغر واندیفنی مشاهده ایدیورلر . فرانسه بومضبتی ، حال طبعیسنده براقاجقمیدر ؟ آلمانیای بش اون سنه ایچنده بویوک اویوتنی اویانمنی تجربه ایدرسه نه اولاجقدر ؟ فلاکت شوراده که اهاینک معنوی ترددی ، دولت روجلرینه ده انتقال ایدیور . (Heimatländler) ک اساسی ، مختاریت جریاننی ، حقیقی تهلکه یی بوراده آرمالیدر . الحاصل فرانسه اعتباریله آلاس لوره ن ، آرتق برطوپراق مسأله سی اولفدن چیقمشدر . مقاله صاحبی ، (آلاس تجربه سی) اسمنده کی اثرک مؤلفی (روژه دومون) ک برسوزینی آلیور : « ملی یاقیمدن آوروپا مواجهه سنده آلاس ، ره ن ساحلرلرنده فرانسه نیک قدرت و نفوذینی تمثیل ایدر . فرانسز روحنک آلاس مسئله سنده هر هانکی بردون کیری حرکتی ، ره ن بونجه فرانسه تأثیرینک سقوطی دیمکدر... » محرر نهایت ویریور : موسیو شتره زمانک حقیه واطرافیه آکلامش اولدینی ، فرانسه رجانلکده آکلامتی مجبورینده بولدینی نقطه ... ایسته بودر .

بوسيله ايله مملکت کتبخانه سنه اوچ درت اثر قازانیدردی . بومصرده متفکرلرمزدن و مجموعه منک تحریررکنلرندن م . نریمی بکک فرانسز اختلاک عائد قیمتی بر ترجمه سی تفرقه ایدلکده در . انقلاب تورکیه سنک کنجلیکی بویکی اثرلره صوصامشدر . فرانسز انقلابنک هیجانلی صفحه لرینی کوستره درک آنادولو کنجلیکنک سیاسی و ملی شعورینی تنور چالیشان آرقاداشمنز نریمی بک ايله حاکمیت ملیه یی تبریک ایدره ز .

تورک دبی — بالیکسره چیقان « تورک دبی » ، سوک نسخه لرینک برنده « حیات » مجموعه . سندن بحث ایدیور . سبب شودر : معارف مفتش عمومییی اسماعیل حق بکک (قره سی مشاهیری) اثری حقدده بر محرر منک یازدینی کتابیات ، علمی برقیمتی حائز دکلدرد . حیات مجموعه سی نصل اولوبورده بویازی یی نشر ایدیور ؟ فضله اوله رق بویازیده قره سی محیطنه قارشى صریح برتجاوز بوصوقورمشدر . « تورک دبی » ؛ بوکا قارشى درین نقرتی بشینا قید ایتمکده در .

غزنه ده امضاسی آتمقدن استنکاف ایدن محرر بکک یازینسه علمی ، اخلاق هیچ برقیمت ویریلده میه جکی ایچون بونقطه نیک اوزرنده فضله در رمق طوغرو دکلدرد . یالکز شونی سوبله یلم که « حیات » ستونلرینه کچیردیک یازیلره قارشى جوق مشکلیسندر . هر هانکی بر مملکت کوشه سنه قارشى بوصو قوران یازی اونک صحیفه لرینه کیره من . « حیات » ک یازینسده بویله برشی کورمک ، ساده جه برواهمه نیک اثری در . محرر هر حالده باش مقاله موضوعی بولقی عجزی قارشوسنده بویله بر حرکت توشل ایشم اولاجق ... بوسيله ايله آنادولو غزنه لرینه عائد فکر منی تکرار ایدلم : مطبوعات حیانتک حقیقی انکشافی ، غزنه جیلک عدسه سنک اجتماعی واقتصادی شأینته انعطافی ايله باشلایه جق در . بو ستونلرده اسملرندن و یازیلرندن آرا صره شکرانله بحث ایتدیکنز غزنه و مجموعه لر ، شبهه سز بوندن مستثنادر . « تورک دبی » فی ده هر هانکی بر محرر و هر هانکی بر مجموعه حقدده خلقی اضلاله دکل ، مملکتک درد لری اوزرنده شأنی تفکر لریایتمه دعوت ایتمکی بروطفیه عدایدیور ز .

فلسفه و اجتماعیات مجموعه سی — اوچنجی نومرووسی زنکین یازیلره جیقدی . فلسفه دو قنوری اورخان سعدالدین بک فلسفه نه در ؟ سؤالنه جواب ویریور . حلمی ضیابک ، کچنکی (هیجان) تدقیقنک نهایتنده تماس ایتدیکی (تهجیت) ی آراشدیرمقده در . دعوا عیندر : مرضی شعور اوزرنده یابیلان تدقیقلر ، جمیعنک دواملی تطبیقی ايله ، اعتقادی حیانتله تهجیت آراسنده کی مناسبتلری کوستریور . (اجتماعیات کوره بیلکی نظریه سی) مقاله سنک محرری ، بوتون مبادی یی ، جمیعنک محصولی اوله رق ایضاحه چالیشمقده در . ده ا زیاده لهوی بروک (ابتدائی ذهنیت) ندن ، دور قایمک (دینی حیانتک عنصری شکلری) ندن ،

استفاده ایدیلره رک اجتماعیاتنه مستند بریلکی نظریه سنک طاسلاخی چیز یلمشدر .

لیسه لرک فلسفه وادبیات درس لریله علاقه دار اولدینی سرد ایدیلن یکی بر درسک ، بدیعیاتک ، موضوعی و اصولی حقدده ملخص بر قلم تجربه سی یابان ضیاء الدین فخری بک ، بدیعیات تاریخنک ترتیبی نظردقته آله رق اوچ تهسته نیک مکتبی کوسترمکده در . فلسفی ، سوسیولوژیک اولان بومکتبلرک آبرجه اصوللرینه ده تماس ایدلمش ، نتیجه ده هر اوچ مکتبک بدیعیات ايله علاقه دار طرقلری ارايه اولتمشدر . آگاه بک شرح متونه دوام ایدیور . محمد ثروت بک ، (اجتماعیات درس لری) آدی آلتنده برسلسله لی مقاله نشرینه باشلاپور ؛ ایلک مقاله مقدمه در . قرون اولاده ، اجتماعیاتک فلسفه اجتماعیه اولدینی زمانده ، سرد ایدیلن فکر لری تلخیص ایتمکده در . حلمی ضیابک ، (اتحار) تلخیصنه دوام ایدیور . آبرجه (بوتلاج) حقدده کوچوک برته تودی شایان قیددر .

مجموعه نیک تطبیقی قسمنده محمد ثروت بکک موعود فلسفی درس لر پروگرامی ، خامی سنیج بکک پروگرام حقدده کی نظری فکر لری ، تحلیلی قسمده (حیات) ک نشر ایتدیکی (فاوست) حقدده بر ترجمه تنقیدی کورسیور ز . اورخان سعدالدین بک کوره ترجمه لر : (۱) اصله صداقت (۲) ماله صداقت دیه ایکی شکلده اولور . فاوست مترجی ، هانکیسنی تعقیب ایتمشدر ؟ بونی تعیین ایتمک مشکلدرد . منقد ، اثرک ترجمه سندن ، برده اصله صادق قاله رق یابیلمی لازم بر ترجمه دن مثالر کتیریور و دعواسنی مقایسه ايله اثباته چالیشیور . شبهه سز غالب بختیار بک ، بوتخلیه آبرجه جواب ویره جکدر .

(فلسفه و اجتماعیات مجموعه سی) ، انقلاب تورکیه سنک علم تاریخنده بر مرحله اولقی غایه سنه بونومرو وسیله اوچنجی آدیمنی آتمشدر . مجموعه ده ، خاصه « عصرک اک ولود واک متمر ، مؤثر بیلکیسی اولان (اجتماعیات) ک یولجیلری کوریلور . بش اون سنه دن بری حاضر لانان کنجلیکده کی فلسفه و اجتماعیات اشتیاقنک ، بومجموعه ايله ، کندیس ایچون اک مساعد تطبیقات ساحه سنی بولدیغنی سوبله یه بیلیر ز .

۱۰ خ

بر تصحیح . — کچن نسخه مزده رفعت نجات بکک « غربت بولجوسی » عنوانی شعرنده : برچول اولان کوکلکی سن بوشمی صانیورسک مصراعندن صوکرا :

سن بوشمی صانیورسک برچول اولان کوکلکی مصراعنی تعقیب ایتمه سی لازم کلرکن بر ذهول اثری اوله رق ترتیبده اونوتیلشدر . تصحیح ایدره ز .

مدیر مسئول : محمد امین
استانبول — دولت مطبعه سی